



## **TOSHKENT DAVLAT YURIDIK UNIVERSITETI REKTORINING B U Y R U G ' I**

06.12.2024

893-tm-son

### **Talabalarga hayfsan intizomiy jazo chorasi qo'llash to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet faoliyati haqida noto'g'ri munosabat, fikr-mulohaza shakllanishiga, universitet obro'siga, universitetda yaratilayotgan ochiq-oshkoralik siyosatiga zarar yetkazadigan qasddan harakatlar qilinib, universitet Odob-axloq kodeksida belgilangan me'yorlarni buzish holatlari kuzatilmoqda.

Jumladan, 2024-yil 6-noyabr kuni universitetning 3-binosi 216-xonasida Davlat va jamiyat boshqaruvi yo'nalishi 2-kurs o'zbek A-potok 3-guruh talabalari Alixonov Solimxon Akramjon o'g'li va Iskandarova Farzonabonu Nurbek qizi o'zaro janjallashib qolgan. Natijada F.Iskandarova ukasini universitetga chaqirib, o'zi bilan birga 216-xonaga olib kirgan. Shundan so'ng, S.Alixonovni o'zaro gaplashib olish maqsadida xonadan chaqirib olib birgalikda universitet tashqarisiga chiqib ketishgan. Universitetning 3-binosi orqa tarafida ular o'zaro janjallashib turgan vaqtida universitetning 2 nafar hodimi tomonidan ajratilib, darsga kiritib yuborilgan.

Dars mashg'ulotlari tugagach talabalar Universitet binosidan tashqariga chiqayotgan paytda F.Iskandarovanning ukasi yonida 3 ta begona yigitlar bilan kutib turgan. Natijada talaba S.Alixonov va F.Iskandarovanning ukasi o'rtasida tortishuv yuzaga kelgan, F.Iskandarovanning ukasi yonidagi sumkasidan oshxona pichoq chiqarib S.Alixonovni qo'rtiqmoqchi bo'lgan, shunda talaba S.Alixonovning kursdoshlari tomonidan ajratilib tarqatib yuborilgan.

Talabalardan mazkur holat yuzasidan tushuntirish olinganida, F.Iskandarova va S.Alixonov sodir etgan qilmishlarini tan olib, o'zaro gap talashib janjallashib ketishganini, o'zlarini boshqara olmay qolganliklarini bildirgan.

Talabalar Alixonov Solimxon Akramjon o'g'li va Iskandarova Farzonabonu

Nurbek qizi o'zlarining yuqoridagi xatti-harakatlari bilan Toshkent davlat yuridik universiteti Odob-axloq kodeksining 17-modda to'rtinchi xatboshi, 18-modda birinchi va ikkinchi qismlari, 26-modda to'rtinchi xatboshida belgilangan qoidalarini buzgan.

Yuqoridagilarni inobatga olib, Oliy ta'lim to'g'risidagi nizomning (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 17, 18, 26-moddalari hamda universitet Ichki tartib qoidalarining 83-bandiga, shuningdek Ommaviy huquq fakulteti dekani Sh.Saydullayevning bildirgisiga asosan,

### **BUYURAMAN:**

1. Universitet Ommaviy huquq fakulteti 2-kurs talabalari Alixonov Solimxon Akramjon o'g'li va Iskandarova Farzonabonu Nurbek qiziga hayfsan intizomiy jazo chorasi qo'llanilsin.

2. Ommaviy huquq fakulteti dekanati:

ushbu buyruq mazmun-mohiyatini talabalar e'tiboriga yetkazsin;

mazkur holat va shu kabi qoidabuzarlik ushbu talabalar tomonidan takroran sodir etilsa, talabalarni talabalar safidan chetlashtirish mumkinligi to'g'risida ogohlantirsin;

ushbu talabalarning shaxsiy hujjatlar yig'ma jildiga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

### **Kiritildi:**

Dekan o‘rinbosari

A.TOJIBOYEV



### **Kelishildi:**

Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Direktor

SH.PO‘LOTOV



Katta yuriskonsult

A.TURSUNOV

